

ملاحظة: أوقات السيد طوني حدشيتي بيبكتب باللغة الكنعانية، يلي البعض بسميا لبنانية، والبعض الآخر بسميا عربي دارج. وبيستعمل الحرف العربي إلى حين تنشيط الأبجدية الكنعانية يوماً ما.

التنسيم والفيدراليه مش تهم ولا تفوق خبي سامي!

(معلي لو post مش صغير)

اكثرية المجتمع المسيحي مع الفيدراليه او التنسيم لان كثير ضحّا، اكثر من اللزوم، كرمال لبنان (مثل ما هوي بشوفو، فريد بالشراء) وكرمال التعايش (لأن هو أَلِّي ولهاأ بعدو بطلب بلبنان كلو، أكيد مع طموح يسيطر مشان ما يدوب)، ومن ميل ثاني لأن كانت عطول التسويات من سنة التسعين تصير على حسابو وعلى حساب تضحياتو.

اكثرية المجتمع المسيحي مع الفيدراليه او التنسيم لان ما شُفنا من الشريك المسلم، مش من امبارح ولا من عشر سنين ولا من ٢٠٠٥ ولا من وأت تأسيس "الدولة لبنان" بال ١٩٢٠، ما شُفنا من "مَيّات السنين" إلا الاحاديي والكلام الدائم عن الديمقراطية العددية ولُغة الأرام و"نحننا الاكثريي بهل البلد". ما شُفنا إلا اعتداء سياسي وانمائي وجغرافي وديمغرافي متواصل.

اكثرية المجتمع المسيحي مع الفيدراليه او التنسيم لان ارفنا كل ما بدنا نطالب بحؤونا وكل ما نرفض نأل النفوس والتغيير الديمغرافي والجغرافي والاعتداء السياسي والاعتداء على وجودنا الحرّ، بيتهمونا بالعنصرية والتعصب وعدم الوطنية والتخوين!

اكثرية المجتمع المسيحي مع الفيدراليه او التنسيم لان، خلينا ناخذ حارة حريك والشياح والمصيطبي ك مثل (الامثلي كثير كثير، صيدا، طرابلس، بعلبك...)، من بعد ما كانوا هل ٣ مناطيء نص ب نص أو تلت بتلّتين، صار السكّن المسيحي معدوم! ليش؟

اكثرية المجتمع المسيحي مع الفيدراليه او التنسيم لان اتّبع معو من الحكم المركزي لي بخلي كل الزعامات من كل الطوائف تسرّو، بالوات يللي هوّي يعني المجتمع المسيحي، عم يلتزم ٩٥ % من دفع ضرايبو من دون ما ياخذ خدمات من ثاني ميل.

اكثرية المجتمع المسيحي مع الفيدراليه او التنسيم لان ما بآ يئبل ينأل عتّو انو عربي (مثل العادي هلا في ناس راح تقسر كلامنا انو نحننا منكره العرب). نحننا مش عرب. نحننا كمجتمع مسيحي باغلبية ٨٨ %، متحدرين من الشعب الكنعاني القديم، واليوم مسيحية لبنان هي كنعانيين وفق العلوم الانسانية (السوسيولوجيا). وإزا البعض من أخواننا الأرمن أو غيرن ما بيعتبرو حالن هيك، مش مشكل _ مثل أي لبناني بكندا، بس هني عايشين ضمن بيئتنا، مش ضمن البيئة المسلمة - العربية. أول هيدا تفصيل. المهم، ارفنا كزية "شعب واحد" لي كلفتنا كثير كثير. ارفنا مشاريع وافكار "الانصهار". كرمال التعايش من ١٤٠٠ سني، انسرفت منا هويتنا ولُغتنا الام وتعرضنا لأسوأ عملية غزو ثافي بالتاريخ ورغم كل هيدا، ما وئف الغزو وبعدو عم ياخذ كزا شكل.

المجتمع المسيحي، كل ساعا وكل ثانيي، مع التعايش المشترك ومش مع العيش الواحد المشترك. يعني: نحننا عيشين تنين بهل بالبلد وفيينا نعمل تآلف من الند للند وهيدا ما بيصير إلا عبر الفيدراليه* والحياد وحصرية السلاح. بس إذا الطرف المسلم ما بدو فيديراليه، يللي بتعمل اجمل تعايش بالعالم بين المسلمين - العرب والكنعانيين ويللي مش مطلوب فيا من حدا يغير محل سكنو، نحننا بكل محبي بدنا التنسيم والفرز الكلي وكل انسان يتحمل خيارو ووين حابب يسكن.